

## UNIVERSITÂT

# A tu par tu cul Ateneu

Ai 10 e 11 di Fevrâr tal pôl scientific par cognossi ufierte formative e servizis, visitâ stands e laboratoris, incuintrâ docents e tutor, partecipâ a workshop: un invît indreçât ai students des scuelis superiôrs

Al torne ae Universitât di Udin il Salon dal student, ocasion tradizional di informazion e orientament sul planet universitât dreçât ai fantats dai ultins agns des scuelis superiôrs e a ducj i interessâts. L'apontament, rivât ae decime novesime edizion, si tignarà vinars ai 10 (des 9 aes 13 e des 14 aes 16) e sabide ai 11 di Fevrâr (des 9 aes 13) li dal pôl scientific dal Ateneu (aree grandis aulis), in vie des Siencis 206 a Udin. In program presentazioni dai cors di lauree des 10 facultât e di chês altris oportunitâts formativis, visitis ai bancuts e aes structuris didattico-scientifiche. E ançjemò, incuintris e colocuis cun docents, tutôr e orientatori, testimoniancans di students, laureâts e professioniscj, distribuzion di materiâl informafif. La novitât di chest an a son i workshop "Universitât: istruzions pal ûs": seminaris svelts par ilustrâ lis modalitâts di amission al ateneu, i servizis ai students e lis oportunitâts ufiertis de realtât universitarie furlane.

I apontaments previodûts par **vinars ai 10 di Fevrâr**. Aes 9, inte aule A, inaugurazion cul retôr Cristiana Compagno. Des 10 aes 10.45 presentazioni dai cors di lauree des facultâts di: Inzegnarie (aule A), Medisine veterinarie (aule D), Jurisprudence (aule F), Lenghis e leturaturis forestis (aule H), Siencis de formazion (aule I), i cors di lauree

pes professions sanitariis (aule L) e chel in Biotecnologjiis (aule M). Des 11 aes 11.45 a saran presentâts i cors des facultâts di Siencis matematichis, fisichis e naturâls (aule B), Agrarie (aule C), Economie (aule E), Letaris e filosofie (aule G), Medisine e chi-



urgjie (aule L) e il cors di lauree in Siencis motoriis (aule I). In paralêl, des 9.15 aes 11.45 inte aule M, ogni mieze ore, si tignaran lis presentazioni "Universitât: istruzions pal ûs". Cun di plui, des 12 aes 13 visitis a bancut e structuris didattico-scientifiche, colocuis cun docents e students, navigazion in internet par sperimentâ i servizis on line dal ateneu. **Avigniment speciâl** aes 14, inte aule F, cu la conference sul teme "Cittadins e no", dedicât ae legjislaçion taliane su la citadinance e lis prospetivis di riforme, organizade de Scuele superiôr dal Ateneu.

**La seconde zornade (sabide ai 11)** e viodarà des 9 aes 9.45 lis presentazioni dai cors di lauree des fa-

coltâts di: Inzegnarie (aule A), Jurisprudence (aule F), Siencis de formazion (aule F) e dai cors di lauree in Siencis motoriis (aule L) e in Biotecnologjiis (aule C). Des 10 aes 10.45 e sarà la volte des facultâts di Siencis (aule B); Medisine veterinarie (aule D); Lenghis (aule H); Medisine (aule L). Des 11 aes 11.45: Agrarie (aule C); Economie (aule E); Letaris (aule G) e i cors di lauree pes professions sanitariis (aule L). Cun di plui, des 9.15 aes 11.45, ogni mieze ore, inte aule M, si tignaran lis presentazioni "Universitât: istruzions pal ûs". Infin, des 12 aes 13 visitis a banc-

cut e structuris didattico-scientifiche, colocuis cun docents e students, navigazion in internet par sperimentâ i servizis on line dal ateneu.

Par partecipâ al è conseât scrivi la schede di adesion disponibile on line al indreçament <http://www.uniud.it/extra/orientament/students/salone-dello-studente>, dulà che si puedin cjàtâ altris informazions, il program e la mape dal Salon. I visitadôrs a podaran rivâ ae sede de manifestazion in graciis di un servizi di bus navisele gratuit in partence, des 8.15, de stazion ferroviarie, di place Mai Prin e dal centri studis in viâl Leonardo Da Vinci. La tornade dal pôl scientific cul bus navisele e je previodude tacant des 12.30 plui o mancul.